

PRESBYTERIAN WOMEN FELLOWSHIP

KHUGA DISTRICT

CONSULTATION - 2014

THEME :- “Insung leh Kochuam ah Nute poimawna”.

* Ani :- 5th July, 2014.

* Amun S. Kotlian, (KSP) Biak-inn.

* Ahun : 11:00 A.M

Pathian min ah thilkhat poimaw i sak te hiatdaw na dingin khristian ta phawt in a chindan sek uh Juda Pathian namtel te bawldan leh ngaidan bang gual ahi em? ti et masak sek ahi. Zia gual ma chun, tuni i genkhawm ding uh ‘Innsung leh Kochuam ah Nute Poimawna’ iti ah hinle, Juda/Israel Pathian namtel te bawl dan hi entawn mai hitiu. Juda mi Nute chu chate chung ah leh inn nasep (Domestic work) ah poimaw pen/a mawpaw pen ah gel ahiu hi. Chate chu naupang ti ahi lai sia’u chu Nute a ding mawng(special) ah guat ahiu hi. Innsung nasep tamzaw (Domestic works) ah le, Numei poimaw na a lianzaw ah gel ahiu hi. Chate thiamzilna kipatna(primal education) A,B,C leh 1,2,3 iti te ziang hile Nute apat a hiat ding uh chu duthusam ahizaw diak hi.

Chun Juda te dinga zilna munpi(Synagog) kum 12 a hungtin ua, a lut tiang un, Nute a ding mawng ah gel ahiu hi. Zia kum 12 sung ah hin, Juda mi - Pathian namtel hina Thuthung poimaw zosia chu a he suak vek ta sek uh ahi. Chun, nek-leh-dawn insung ah nasep chuam chu Nu thuneina in kawiahi. Nupen in Aw nem hiau cha bawl le hin apha diam? a ti chu Pa’n le nial buailo in chiapi ahi sek hi. Zia chu insung kivaipuakna(Administration) ahung hita ahi.

Israel thak leh Israel luite (Ei uh leh Judate) nam chawndan in numeite chu mi phungchang hi-maleu innsung khawsakna vang numei chu a poimaw zaw ah gel ahi. Sakhua leh vantang hinkhua numei chu bangma lo gual gel himaleu, thagau lam ah sungkuan phatak siamna dingin chu Nu a poimaw pen hi ti hi gelkhawk thak a poimaw hi. Kochuam Upa, Pastor, leh Local Committee ah Numei te teldaw ahi nailo ziaqua, kiphin ah thusia bawl a ngai pua, Pathian in hunta, ati phat leh hung um mai ding ahi.

Tulai tak ah i dinmun leh i phakna tiang in thagau ah hing le’u hin thildang chu a poimaw dan dungzui in Pathian in ei piak belap zel ding in muang ngam hitiu (Mt. 6:33).

Chanchinpha Luka hi Numei te dinga chanchinpha a la ti diak sek ua. Zia apat in numeite ding zillai poimaw ah i hiat te vak taklang hitiu :-

Bung I leh II :

Numei dinmun a manphat dan leh a en-um dan mu ahi. Zia gual dinmun chu ei District P.W.F te le i hi thei tho ahi.

Bung 7 : 36-50 (sim masak ding)

Bang gual ah Numei dukdaklo hileh le, Lalpa’n ei hepi mama ngala, a ti thei dinmun hi, hi chiat guai tiu.

Bung 8 : 1-3 (sim masak ding)

Zia Numeite chun amau sum ngei in Jesu leh a nungzui te chu a panpi ui. (New Century Version -apat ahi).

Bung 8 : 42-48.

Pathian thil hi theina ko dawk ding khawp hial in Pathian bel hitiu.

Bung 10:38-48 (sim masak ding)

Ahun leh amun dungzui ah thil phazaw, Pathian thagau thiangtho nasep na zal ah tel thei nu hi ding..

Bung 11:27,28 (sim masak ding)

Numei in vangpha a sak teu leh Jesu'n vangpha a sak teu kikhiatna mu ahi.

Bung 23:27,28.

La numei chanpi te leh chate ding ah thagau lam a la kap thei tam?

Sungkuan(Family) ah nekdan, ki-etkaw dan, chate thiamzilna, sum-le-pai matdan, pau dan leh hindan, pauchap dan leh thawlawm piak dan. A sia-leh a pha ah kiziltilna lam leh thil dang dang, chanau-niksa huai dan leh inkuan.sungkuan khat hina dawl ah sep ding him him inle Nu hina a poimaw pen zing hi. Sungkuan ah Biak inn kai kim chiat ding thu inle Nute panlak theina a tam zaw ahi. Biak inn kai zing beplo, La pawl zan sawt tak tiang zil sek leh hun lo phat lo ah naupang mama kichen leh kisuk-gai(Nauvawpsak) i tite ziang inle Nute mawpuak theina ahi. Nungak-Tangval te damlo zan hapi leh mithi inn lenkhawp khawvak na leh a dang dang te, chate kanzui hi Nute mawpuakna in gel hitiu. Nu phatak apat chun, cha phatak, cha phatak apat chun Kochuam phatak, Kochuam phatak apat Nam leh Gam phatak hung um ding ahi, Chuti ahi chun, a nuai ah te hi gelkhawm leh panlak khawm ngalna dingin ka hun taklang hi :-

- I. Biak inn ah zingkal Devotion in chate la chiapi kha em?
- II. Innsung kikhawp/Innsung Maicham bang gual in la guanggal sek em?
- III. Pauchap ding dan chate/Tute sunday school Beginner pawl ah a lut masang in la hilsek em?
- IV. Pathian gam dinga thawlawm piakdan ziltil in la piak sak sek em?
- V. Chate lekhasim na Uap in zan sawt leh le la chutpi pei sek em?
- VI. Chanchinpha ki genna taphawt ah la thilbawl pha genzing ding la thilpha bawl a um thei diam? (Mathai 26:13 apat lakdaw)
- VII. Bang ziak ah numei kikhawp zan leh mi kaitawm deu deu ziang ahi diam? Numei kikhawp a tun kit kal ngakla um khawp hial ah i um thak theina ding ua bang gual ah panlak ding a diam?

Thu Belapna :

- 1. Genkhawm dingte genkhawm zo ah report ngaithak hi henla, pauchap khawmna nei hileh..
- 2. Chun Isak Maicham Project chungchang ah holimna leh pauchap gualna nei hikiteh leh ti du- thusam ahi.

Thuzil guanggal tu :

Bialtu Pastor, Khuga District, (K.S.P)

.....xXxXxXx.....